



UN VISITA CON AMICOS IN ITALIA

IN LE STRATA

Paulo: Salute, Anna!

Anna: Salute, Paulo!

Paulo: Isto es mi bon amico Pedro.

Anna: Salute, Pedro. Mi nomine es Anna.

Io es le amica de Paulo. Il es un placer incontrar te.

Pedro: Gratias. A te le mesme. Como sta tu?

Anna: Io sta ben, gratias. E tu?

Pedro: Io anque sta ben, gratias.

Paulo: Io ha un idea. Que nos va al ancian centro del urbe. Nos pote trovar un banca pro seder e conversar o forsan ir in un parco?

Pedro: Un excellente idea. Io ha nulle planos pro iste postmeridie, dunque io va con vos.

Anna: Perfecte. Alora, que nos vadera.

IN LE CENTRO

Paulo, Anna e Pedro ha ambulate al ancian centro del urbe. Ci illescontra Philippa.

Anna: Philippa! Qual surprisa – e placer!

Philippa: Salute, Anna ... e Paulo. E ...?

Paulo: Ah, ecce Pedro. Ille es mi bon amico desde multe annos.

Philippa: Salute, Pedro. Io es Philippa.

Pedro: Salute, Philippa. Il es un placer incontrar te.

Philippa: Gratias. A te le mesme.

Anna: Nos ha venite pro trovar un banca in le umbra o pro ir in un parco.

Philippa: Isto sona sage in iste calor. Pote io accompaniar vos? Io non ha planos concrete pro hodie, e io amarea ben reposar un poco in bon compania.

Paulo: Naturalmente, tu es multo benvenite.

Philippa: Multe gratias. Forsan nos debe visitar le kiosque la al altere latere del strata pro comprar un poco a biber?

Pedro: Un multo bon idea. Io ja ha grande sete a causa del calor.

Anna: Io anque. E io amarea anque comprar un gelato.



Paulo: Alora: Al kiosque!

IN LE KIOSQUE

Expeditor: Bon die, seniores e senioretas!

Paulo: Bon die, senior. Nos desira comprar qualcosa a biber.

Expeditor: Per favor. Qual typo desira vos?

Philippa: Io desira un bottilia de aqua mineral con gas – frigide, per favor.

Expeditor: Naturalmente illo debe esser frigide in iste calor.

Anna: Io prefere un soda con oranges e, in ultra, un gelato de vanilla.

Expeditor: Gratias. Ecce illos.

Paulo: Da me anque un bottilia de aqua mineral con gas. E alora io amarea comprar un pacchetto de gumma de masticar.

Pedro: Como pote tu mangiar tal cosas sucrate, Paulo? Io prefere iste duo pomos rubie. Io assume que illos es succulente?

Expeditor: Absolutemente. Le pomos veni de un bon ferma non distante de ci, e in iste tempore del anno le fructo es deliciose.

Pedro: Isto me place multo.

Expeditor: Alora, es isto toto?

Philippa: Si, isto es toto. Io paga pro omnes.

Anna, Paulo e Pedro: No, no!

Philippa: Si, si. Il non es cata die que on incontra su bon amicos e pote usar un postmeridie in lor bon compania. Dunque io va pagar.

Expeditor: Multo bon. Gratias, senioretta, e a revider!

Omnes: A revider!